

咸寧縣志

一
函
八
冊
函

重修咸寧縣志序

誦訓掌道方志郡縣之志所由
昉也關中稱名志七當時如康
對山韓五泉諸先生皆以一代
大手筆出其緒餘而為之故言
必有物卓然為後人矩矱咸寧
志創於勝國萬歷續修於
國朝康熙七年考鏡亦頗詳贍迄今

百餘年其與長安經界之離合
田賦之增減兵制之沿革驛傳
之繁簡鄉舉里選之多寡名宦
鄉賢孝子節婦之可師可法者
汗漫無紀日就汨沒此亦守土
者之責也余承乏茲土惕然懼
之因延鄉士夫之賢者采訪搜
羅考據補緝簿書之暇與諸君

子取舊志訂正之應補應續
然就序始嘉慶丁丑年七月越
己卯歲四月而剞劂告藏焉前
輩論史莫難於志矣溱通志之
作自負為獨創尚不免後人訾
議以余不文於對山諸先生何
能為役然咸寧古帝都土厚水
深風氣淳茂重以

國家漸摩之澤文物禮教月異而
歲不同是書之作公事稽之吏
案私事據之家乘獨行軼聞質
之耆老耳目所徵信上以述

聖天子休養生息之盛次以彰各臺

司承宣

德化之賢下以紀邦人薰德善
良之美所謂博我皇道宏我漢

京者將於是乎在而豈區區一
邑之掌故云爾哉謹識數言於
簡端俾覽者知顛末焉

告

嘉慶歲次己卯四月下澣

知咸寧縣事靜海高廷法撰

邑乘之作所以脩一代之掌故
考時事之因革昭千秋之炯鑒
而勸懲寓焉典至鉅也事至繁
也非博雅不能探其蹟非簡古
不能撮其要尤非留心典章表
彰文獻者不能倡率而振興之
矧咸寧為全陝首邑秦漢迄唐
帝王都會其間名流繼起制度

文物無不足資考鏡可毋志乎
考舊志成於康熙七年至嘉慶
二十二年閱歲一百四十制度
沿革風俗變遷不知其幾遷轉
矣而卷冊散佚棗梨漫漶幾不
可識見者有文獻不足之歎獨
是邑居附郭政繁事剝百倍他
邑為之宰者疲於簿書期會無

暇講求靜海高君以名孝廉筮
仕秦中調繁茲土視事一年廢
無不舉慨然有振興文獻之志
而首以邑乘為謀時毘陵陸劬
父茂才以老名士客虛舟中
丞節署其高足董方立孝廉亦
宏通博雅嗜古士也高君遂延
其師弟主編輯徧延邑中方正

知名士如大令于客汪君恩
貢澹餘楊君副貢松巖趙君為
叅訂從九恒一王君經營周密
其採訪分校總校則有景周李
君等二十七人越歲餘而書以
成上溯周秦以迄

昭代無不網舉目張炳炳烺烺成一
代之巨觀如陸君師弟可謂能

探賸撮要負一代之史才者矣
如高君可謂能留心典章表彰
文獻者矣如于客諸君子可謂
能褒高君之美不孤高君之託
者矣書既成余適繼高君宰是
邑自維學識謏陋吏治迂踈百
不逮高君之一覩是書有忻然
慕洵然汗者矣爰綴始末以志

余之欽佩焉

嘉慶歲次己卯嘉平朔日

署咸寧縣事臨潼縣知縣

江寧沈琮撰

咸寧縣志序

邑之有志志邑實也知其實而
體之則邑治舉矣咸古無志有
之自北海陳公始修歷世久遠
版籍不存余承乏茲邑首詢及
此徧索究未能得即憤發思欲
興舉適會都御史賈公有徵
志之檄遂敦禮士夫之賢者方

為彙集既而獲其二卷補續成
草以備通志採摭及竣遺落又
半志乘邑治之大而願聽其缺
焉弗輯余知云謂何且何以模
今範後耶於是再延邑士陳揚二
子更為修纂博採志記旁搜輿
論庶者有之冗者財之殘者補之
譌者正之余不辭舛踈兼總而

裁定之質之舊紳先生較閱而
評序之凡六閱月而告竣余因撫
卷而嘆曰是無志而有志有志
而多之又久更幾有無而志成
志其易言哉或曰志即史也宜
其成之不易余曰吾不修史志
之全體志特史之一肢耳自典
謨著而史之源開列國治之各

有史官以掌記時事春秋作而
史之權重富家鉞於褒貶筆
削之中治天下之大機遂莫踰
於此也厥後國廢而史遂流
而為志志者記也事詳而不謬
詞簡而能括善善脩而惡惡短
是其體亦然則將無有同乎曰
其不同者論斷之微權而同者

傳信之精義也且史之權

天子操之館閣治之諸侯不得而與
況邑令乎哉故曰志者記也記
其量輿而邑之時利可知也記
其達置而邑之局度可知也記
其田賦而邑之輸將可知也官
師記而知其治化之得失選舉
人物記而知其賢才忠孝之挺